



# Ofisi ya Taifa ya Takwimu

Simu: +255 26-2963822  
Nukushi: +255 26-2963828  
Barua pepe: [sg@nbs.go.tz](mailto:sg@nbs.go.tz)  
Tovuti: [www.nbs.go.tz](http://www.nbs.go.tz)

Barabara ya Jakaya Kikwete,  
S.L.P. 2683,  
Dodoma  
TANZANIA.



Unapojibu tafadhali taja:  
Kumb Na: AC 334/376/01/13

## YALIYOJITOKEZA

Tarehe: 08 Oktoba, 2021

### FAHIRISI ZA BEI ZA TAIFA KWA MWEZI SEPTEMBER, 2021

#### 1. MAELEZO YA MBINU NA KANUNI ZA UKOKOTOAJI WA FAHIRISI ZA BEI ZA TAIFA

##### 1.1 Maana ya Fahirisi za Bei za Taifa

Fahirisi za Bei za Taifa (FBT) ni kipimo kinachotumika kupima mabadiliko ya bei za bidhaa na huduma mbalimbali zinazotumiwa na sampuli wakilishi ya kaya binafsi nchini Tanzania. Kapu linalotumika kukokotoa FBT lina jumla ya bidhaa 383 ambazo bidhaa 132 ni za Vyakula na Vinywaji Baridi, na bidhaa 251 ni bidhaa zisizo za vyakula. Kwa wigo wa kijiografia, FBT zinakokotolewa kwa kutumia takwimu za bei zinazokusanywa kwenye makao makuu ya mikoa yote 26 ya Tanzania Bara.

##### 1.2 Mizania za Fahirisi na Kizio

Mizania za Fahirisi za Bei za Taifa zimetokana na matumizi ya kaya binafsi kwenye ununuzi wa bidhaa na huduma katika mikoa yote 26 ya Tanzania Bara kwa maeneo ya mijini na vijijini. Matokeo ya Utafiti wa Mapato na Matumizi ya Kaya Binafsi wa Mwaka 2017/18 yalitumika kama chanzo kikuu cha takwimu za uandaaji wa mizania za Fahirisi. Kizio cha Bei cha Fahirisi zilizofanyiwa marejeo kimeboreshwa na kuwa wastani wa bei za mwezi Januari hadi Desemba 2020, na kizio cha Fahirisi ni mwaka 2020.

##### 1.3 Makundi ya Bidhaa na Huduma za Jamii

Fahirisi za Bei za Taifa zinatumiwa mpangilio wa kimataifa wa matumizi binafsi ujulikanao kama COICOP "Classification of Individual Consumption by Purpose" wa mwaka 2018. Aidha, Fahirisi za Bei zinatolewa kwenye makundi 13 ya mpangilio wa COICOP, 2018 pamoja na fahirisi za bei kwa makundi maalumu ambayo yanajumuisha: - Fahirisi za msingi (*core index*); Fahirisi ya nishati, mafuta na huduma za maji; Fahirisi isiyo ya msingi (*Noncore index*); Fahirisi ya huduma; Fahirisi ya bidhaa; Fahirisi ya huduma za elimu na bidhaa zinazoambatana nazo na Fahirisi ya bidhaa zote isiyojumuisha bidhaa za vyakula na vinywaji baridi.

##### 1.4 Namna ya Kukokotoa Fahirisi za Bei za Taifa

Ukokotoaji wa Fahirisi za Bei za Taifa katika ngazi za mwanzo unatumia wastani wa jiometa "geometric mean of Price Relatives". Kanuni ya Fahirisi ya *Lowe Index Formula* ambayo ni aina ya "*Laspeyres Index Formula*" hutumika kukokotoa Fahirisi za Bei za Taifa katika ngazi ya makundi makubwa.

## 2. MFUMUKO WA BEI WA TAIFA KWA KIPIMO CHA MWAKA UMEONGEZIKA HADI ASILIMIA 4.0

**Jedwali Namba 1: Badiliko la Fahirisi za Bei za Taifa kwa Mwezi Septemba, 2021, (2020 = 100)**

Na.	MAKUNDI MAKUU YA FAHIRISI	Mizania (Weight)	Septemba, 2020	Agosti, 2021	Septemba, 2021	Badiliko la mwezi mmoja	Badiliko la miezi 12
1	Vyakula na Vinywaji Baridi	28.2	99.34	103.51	103.30	-0.2	4.0
2	Vinywaji Vikali na Tumbaku	1.9	100.17	102.71	102.53	-0.2	2.4
3	Mavazi na Viatu	10.8	100.00	104.87	104.80	-0.1	4.8
4	Makazi, Maji, Umeme, Gesi na Nishati Nyinginezo	15.1	100.49	104.72	104.59	-0.1	4.1
5	Samani, Vifaa vya Nyumbani na Ukarabati wa Makazi	7.9	100.29	103.36	103.48	0.1	3.2
6	Afya	2.5	100.36	103.05	103.20	0.1	2.8
7	Usafiri	14.1	98.27	104.11	104.05	-0.1	5.9
8	Habari na Mawasiliano	5.4	100.22	102.05	102.03	0.0	1.8
9	Burudani, Michezo na Utamaduni	1.6	98.91	102.98	102.99	0.0	4.1
10	Huduma za Elimu	2.0	100.04	101.18	101.14	0.0	1.1
11	Migahawa na Huduma za Malazi	6.6	100.34	105.33	105.31	0.0	5.0
12	Huduma za Bima na Fedha	2.1	100.03	100.31	100.31	0.0	0.3
13	Usafi Binafsi, Hifadhi ya Jamii na Bidhaa na Huduma Mchanganyiko	2.1	100.23	103.14	103.02	-0.1	2.8
<b>JUMLA – FAHIRISI BIDHAA ZOTE</b>		<b>100.0</b>	<b>99.68</b>	<b>103.80</b>	<b>103.71</b>	<b>-0.1</b>	<b>4.0</b>
<b>Makundi Mengine Teule</b>							
1	Fahirisi za Msingi ( <i>Core Index</i> )	73.9	99.90	104.54	104.50	0.0	4.6
2	Fahirisi Isiyojumuisha Fahirisi za Msingi ( <i>Non-Core Index</i> )	26.1	99.21	101.70	101.48	-0.2	2.3
3	Fahirisi za Nishati, Mafuta na Bili za Maji	5.7	100.13	105.19	104.70	-0.5	4.6
4	Fahirisi za Huduma	37.2	99.50	103.45	103.44	0.0	4.0
5	Fahirisi za Bidhaa	62.8	99.84	104.01	103.87	-0.1	4.0
6	Fahirisi za Bidhaa na Huduma za Elimu	4.1	100.06	103.33	103.33	0.0	3.3
7	Bidhaa zote isipokuwa bidhaa za chakula na bidhaa za vinywaji visivyo na kilevi	71.82	99.81	103.91	103.87	0.0	4.1

*Tanbihi: Mjumuisho wa makundi madogo ya Fahirisi yanaweza yasiwe sawa na Fahirisi za Bei za jumla.*

### 2.1 Mfumuko wa Bei wa Taifa kwa Kipimo cha Mwaka

Mfumuko wa Bei wa Taifa kwa kipimo cha mwaka unapima kiwango cha kasi ya mabadiliko ya bei za bidhaa na huduma zote zinazotumiwa na kaya binafsi. Jedwali Namba 1 linaonesha kuwa, Mfumuko wa Bei wa Taifa kwa mwaka ulioishia Septemba, 2021 umeongezeka kidogo hadi asilimia 4.0 kutoka asilimia 3.8 kwa mwaka ulioishia Agosti, 2021. Hii inamaanisha kuwa, kasi ya mabadiliko ya bei za bidhaa na huduma kwa mwaka ulioishia Septemba, 2021 imeongezeka ikilinganishwa na kasi iliyokuwepo kwa mwaka ulioishia Agosti, 2021. Fahirisi za Bei zimeongezeka kutoka 99.68 Septemba, 2020 hadi 103.71 Septemba, 2021.


### 2.2 Mfumuko wa Bei wa Bidhaa za Vyakula na Vinywaji Baridi

Mfumuko wa Bei wa Bidhaa za Vyakula na Vinywaji Baridi kwa mwaka ulioishia Septemba, 2021 umeongezeka hadi asilimia 4.0 kutoka asilimia 3.6 kwa mwaka ulioishia Agosti, 2021. Aidha mfumuko wa bei ambao haujumuishi Bidhaa za Vyakula na Vinywaji Baridi kwa Septemba, 2021 umeongezeka kidogo hadi kufikia asilimia 4.1 kutoka asilimia 4.0 ilivyokuwa Agosti, 2021.

### 2.3 Mfumuko wa Bei wa Fahirisi za Msingi (Core Inflation)

Fahirisi za bei za msingi zinaandaliwa kwa kutojumuisha bidhaa za vyakula zisizochakatwa; nishati na bili za maji. Kutojumuisha bei za bidhaa ambazo zina sifa ya kubadilika mara kwa mara kwenye Fahirisi ya bidhaa na huduma zote, hubakia Fahirisi ambayo ina mwelekeo imara kwa Watunga Sera. Fahirisi za bei za msingi zinakokotolewa kwa kutumia bei za bidhaa na huduma 297 na mchango wa mizania kwenye Fahirisi zote ni asilimia 73.9. Mfumuko wa Bei wa Fahirisi za Msingi (Core inflation) kwa Septemba, 2021 umeongezeka kidogo hadi asilimia 4.6 kutoka asilimia 4.5 ilivyokuwa kwa mwaka ulioishia Agosti, 2021.

#### Kielelezo Namba 1: Mwenendo wa Fahirisi za Bei za Taifa na Mfumuko wa Bei Kutoka Septemba, 2020 hadi Septemba, 2021. (2020 = 100)



Tanbihi: Fahirisi za Januari – Desemba 2020 zimefanyiwa marejeo kwa kutumia mwaka 2020 = 100

Kielelezo Namba 1 kinaonesha kuwa, Fahirisi za Bei zimekuwa na mwenendo imara kutoka Septemba, 2020 hadi Septemba, 2021. Katika kipindi hicho, Mfumuko wa Bei ulikuwa kati ya asilimia 3.0 kwa Novemba, 2021 na asilimia 4.0 kwa Septemba, 2021.

### 3. FAHIRISI ZA BEI ZA TAIFA KATI YA AGOSTI, 2021 NA SEPTEMBER, 2021

Fahirisi za Bei za Taifa kati ya Agosti na Septemba, 2021 zimepungua kutoka 103.80 hadi 103.71. Kupungua kwa Fahirisi za Bei kumechangiwa na kupungua kwa bei za baadhi ya bidhaa za vyakula na bidhaa zisizo za vyakula. Baadhi ya bidhaa za vyakula zilizochangia kupungua kwa Fahirisi za Bei ni pamoja na: - unga wa mtama kwa asilimia 2.3, kabichi kwa asilimia 3.1 na majimbi kwa asilimia 1.6. Baadhi ya bidhaa zisizo za vyakula zilizochangia kupungua kwa Fahirisi za Bei ni pamoja na: - mavazi kwa asilimia 0.1, kuni kwa asilimia 4.0 na simu za kiganjani kwa asilimia 0.1.

### **Jedwali Namba 3: Ratiba ya Utangazaji Fahirisi za Bei za Taifa kwa Miezi Ijayo.**

<b>Fahirisi za Bei za Taifa</b>	<b>Tarehe ya Toleo</b>
Oktoba, 2021	08 Novemba, 2021
Novemba, 2021	08 Desemba, 2021
Desemba, 2021	10 Januari, 2021

**Kwa mawasiliano zaidi kuhusu mbinu za kanuni za ukokotoaji wa Fahirisi za Bei za Taifa na maelezo yoyote yanayohusiana nazo tafadhali wasiliana na:-**

Mtakwimu Mkuu wa Serikali,  
Ofisi ya Taifa ya Takwimu,  
Barabara ya Jakaya Kikwete,  
S.L.P. 2683,  
Dodoma,  
TANZANIA.

Simu: +255 26 -2963822,  
Nukushi: +255 26 -2963828,  
Barua pepe: [sg@nbs.go.tz](mailto:sg@nbs.go.tz);  
Tovuti: [www.nbs.go.tz](http://www.nbs.go.tz).